



Borgarnesi 27.03 2008

Alþingi samgöngunefnd  
b.t. Elínar V. Þorsteinsdóttur  
Austurstræti 8-10  
150 Reykjavík

*Alþingi  
Erindi nr. Þ135/1962  
komudagur 1.4. 2008*

## Efni; Þingsályktun um athugun á hagkvæmni lestarsamgangna

Með bréfi samgöngunefndar Alþingis dagsett 4. mars s.l. barst sveitarfélaginu Borgarbyggð til umsagnar tillaga til þingsályktunar um athugun á hagkvæmni lestarsamgangna.


Byggðarráð Borgarbyggðar leggst ekki gegn því að kannað verði með hagkvæmni lestarsamgangna á milli Keflavíkurflugvallar og annars vegar og hins vegar innan höfuðborgarsvæðisins. Byggðarráð ítrekar hins vegar þá afstöðu sína að það telur afar mikilvægt að innanlandsflugvöllur verði áfram í Reykjavík á núverandi stað og hvetur til þess að uppbyggingu samgöngumiðstöðvar í Vatnsmýri verði hraðað eins og kostur er.

Þá bendir byggðarráð einnig á, að það telur mun mikilvægara að bæta vegasamgöngur á milli höfuðborgarsvæðisins og Vesturlands, fremur en að byggja upp lestarsamgöngur á milli Keflavíkurflugvallar og Reykjavíkur sem og innan höfuðborgarsvæðisins. Nú þegar hefur þjóðvegurinn á milli Reykjanesbæjar og Reykjavíkur verið tvöfaldaður og sú framkvæmd sýnir í raun mikilvægi þess að slíkt hið sama verði gert varðandi Vesturlandsveg og Suðurlandsveg.

Loks bendir byggðarráð á það telur að draga megi verulega úr neikvæðum umhverfisáhrifum samgangna með því að efla enn frekar núverandi almenningssamgangnakerfi. Því er tekið undir þau sjónarmið sem fram koma í greinargerð með frumvarpinu um mikilvægi þess að efla hlut almenningssamgangna því þær gegna lykilhlutverki í nútímasamfélagi. Jafnframt er tekið undir þau sjónarmið að líta beri á svæðið frá Borgarnesi í vestri, Árborg í austri og Reykjanesbæ í suðri sem eina heild og því eru það ríkir samfélagslegir hagsmunir að hugað verði að samgöngumálum þessa svæðis í heild sinni.

Byggðarráð Borgarbyggðar telur því að mikilvægustu verkefni séu að byggja upp þjóðvegakerfið út frá Reykjavík og endurskipuleggja almenningssamgöngur á áðurnefndu svæði í heild sinni.

f.h. byggðarráðs Borgarbyggðar

  
Páll S. Brynjólfsson  
sveitarstjóri